

Na osnovu člana 71. Zakona o zdravstvenoj zaštiti ("Službene novine FBiH", br. 46/10, 75/13), člana 8., a u vezi sa članom 7. Zakona o ministarskim, vladinim i drugim imenovanjima ("Službene novine FBiH", br. 12/03, 34/03 i 65/13), Odluke o kriterijima za imenovanje u nadzorne odbore federalnih zdravstvenih zavoda i zdravstvenih ustanova čiji je osnivač jedan ili više kantona i Federacija BiH zajedno ("Službene novine FBiH", br. 38/11) i člana 44. i 45. Statuta JZU UKC Tuzla ("Službene novine FBiH", br. 70/13), Javna zdravstvena ustanova Univerzitetski klinički centar Tuzla, raspisuje

JAVNI OGLAS
za izbor i imenovanje predstavnika
Javne zdravstvene ustanove Univerzitetski klinički centar Tuzla
u Nadzornom odboru Javne zdravstvene ustanove Univerzitetski klinički centar Tuzla

I – UPRAŽNJENA POZICIJA

Raspisuje se Javni oglas za izbor i imenovanje 1 (jednog) predstavnika ispred zaposlenika Javne zdravstvene ustanove Univerzitetski klinički centar Tuzla u Nadzornom odboru JZU UKC Tuzla (u daljem tekstu Nadzorni odbor).

II – OPIS UPRAŽNJENE POZICIJE

U skladu sa odredbama člana 72. Zakona o zdravstvenoj zaštiti ("Službene novine FBiH", br. 46/10 i 75/13), a u vezi sa članom 45. Statuta ("Službene novine FBiH", br. 70/13), Nadzorni odbor obavlja sljedeće poslove i zadatke:

- Analizira izvještaje o poslovanju zdravstvene Ustanove;
- U obavljanju nadzora nad upotrebom sredstava za rad pregleda godišnji izvještaj o poslovanju i godišnji obračun;
- Pregleda i provjerava urednost i zakonitost vođenja poslovnih knjiga;

Nadzorni odbor sačinjava godišnji izvještaj o poslovanju zdravstvene ustanove na osnovu obavljenih gore navedenih aktivnosti, te pregleda izvještaj o radu Upravnog odbora i Direktora.

Navedene izvještaje Nadzorni odbor dostavlja osnivaču, Upravnom odboru i Direktoru zdravstvene ustanove.

III – MANDAT

Predsjednik i članovi Nadzornog odbora imenuju se na razdoblje od četiri godine, sa mogućnošću ponovnog izbora, a najviše za još jedan mandatni period u skladu sa članom 71. stav 6. Zakona o zdravstvenoj zaštiti.

IV – OPŠTI USLOVI

Kandidat za poziciju u Nadzorni odbor Univerzitetskog kliničkog centra Tuzla, dužan je ispunjavati uslove utvrđene odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", br. 12/03, 34/03 i 65/13), kao i Odluke o kriterijima za imenovanje u nadzorne odbore federalnih zdravstvenih zavoda i zdravstvenih ustanova čiji je osnivač jedan ili više kantona i Federacija BiH zajedno ("Službene novine FBiH", br. 38/11), odnosno dužan je ispunjavati sljedeće opšte uslove:

- da je državljanin Bosne i Hercegovine (uvjerenje o državljanstvu ne starije od šest mjeseci),
- da je stariji od 18 godina (ovjerenja fotokopija lične karte ili CIPS-ova prijava ne starije od šest mjeseci),
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije kandidovanja (ovjerenja izjava ne starija od šest mjeseci),
- da nije obuhvaćen odredbama člana IX. 1. Ustava Bosne i Hercegovine (ovjerenja izjava ne starija od šest mjeseci),
- da nije osuđivan za krivično djelo nespojivo sa funkcijom u Nadzornom odboru federalnog zdravstvenog zavoda odnosno zdravstvene ustanove (ovjerenja izjava ne starija od šest mjeseci),
- da mu nije izrečena zaštitna mjera u prekršajnom postupku, nespojiva sa obavljanjem funkcije predsjednika odnosno člana Nadzornog odbora (ovjerenja izjava ne starija od šest mjeseci),
- da se protiv njega ne vodi krivični postupak (ovjerenja izjava ne starija od šest mjeseci),
- da nije direktor federalnog zdravstvenog zavoda, odnosno zdravstvene ustanove (ovjerenja izjava ne starija od šest mjeseci),
- da nema privatni i finansijski interes u JZU Univerzitetskom kliničkom centru Tuzla (ovjerenja izjava ne starija od šest mjeseci),

- da nije član ni u jednom Upravnom, odnosno Nadzornom odboru ustanove, Zavoda, odnosno privrednog društva sa većinskim državnim kapitalom (ovjerena izjava ne starija od šest mjeseci).

V – POSEBNI USLOVI

Kandidat za poziciju u Nadzorni odbor Univerzitetskog kliničkog centra Tuzla, pored uslova iz tačke IV. ovog oglasa, u skladu sa Odlukom o kriterijima za imenovanje u nadzorne odbore federalnih zdravstvenih zavoda i zdravstvenih ustanova čiji je osnivač jedan ili više kantona i Federacija BiH zajedno treba da ispunjava i sljedeće posebne uslove:

- da ima završen VII stepen stručne spreme zdravstvenog usmjerenja (ovjerena fotokopija diplome, pri čemu ovjera ne smije biti starija od šest mjeseci),
- da ima najmanje pet godina radnog iskustva na poslovima svog stručnog zvanja (potvrda o radnom iskustvu),
- da ima stručno znanje iz djelatnosti Univerzitetskog kliničkog centra Tuzla, te da je upućen u sadržaj i način njegovog rada (ovjerena izjava ne starija od šest mjeseci) ,
- da ima radno iskustvo u oblasti zdravstvene zaštite, odnosno zdravstvenog osiguranja ili javnih finansija (ovjerena izjava ne starija od šest mjeseci) .

VI – OSTALI USLOVI

Prilikom procjene kvalifikacije i iskustva kandidata, u obzir će se uzeti i sljedeće:

- sposobnost za savjesno i odgovorno obavljanje poslova,
- sposobnost nepristrasnog donošenja odluka, organizacijske i komunikacijske sposobnosti,
- dokazani rezultati rada ostvareni tokom radne karijere.

VII – POTREBNI DOKUMENTI

Uz prijavu na javni oglas, kandidati su dužni dostaviti dokaze o ispunjavanju općih i posebnih uslova iz tačke IV. i V. ovog oglasa, kao i biografiju sa adresom i kontakt telefonom..

VIII – PODNOŠENJE PRIJAVA

Javni oglas ostaje otvoren 15 dana od dana posljednjeg javnog objavljivanja ovog oglasa.

Neblagovremene i nepotpune prijave neće se razmatrati.

Prijave sa svim traženim dokumentima dostaviti lično ili preporučeno putem pošte, i to na adresu:

**Javna zdravstvena ustanova Univerzitetski klinički centar Tuzla
Trnovac bb, 75000 Tuzla
sa naznakom**

"Prijava na Javni oglas za izbor člana Nadzornog odbora JZU UKC Tuzla – NE OTVARATI"

Na poleđini koverta navesti ime i prezime podnosioca prijave, adresu i kontakt telefon.

IX – OBJAVLJIVANJE JAVNOG OGLASA

Oglas će biti objavljen u Službenim novinama Federacije BiH, dnevnim novinama "Oslobođenje" i web stranici Ustanove.

Postupak izbora provest će se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine.

X – OSTALE NAPOMENE

Svi kandidati koji budu ušli u uži izbor biće pozvani na intervju. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njihovog imenovanja. Obrasci se popunjavaju neposredno prije intervjuja.

Dostavljena dokumenta će biti korištena samo u procesu izbora člana Nadzornog odbora Univerzitetskog kliničkog centra Tuzla, a tajnost svih ličnih podataka i dokumenata garantuje se u skladu sa Zakonom o zaštiti ličnih podataka.

Po okončanju postupka delegiranja predstavnika/člana Nadzornog odbora zdravstvene ustanove iz tačke I. ovog oglasa, Federalno ministarstvo zdravstva, u skladu sa svojim nadležnostima iz člana 71. stav 5 Zakona o zdravstvenoj zaštiti, dostavit će Vladi Federacije Bosne i Hercegovine objedinjen prijedlog predsjednika i članova Nadzornog odbora Univerzitetskog kliničkog centra Tuzla, a radi konačnog imenovanja.

U slučaju kada postoje dokazi da u postupku imenovanja nisu ispoštovana načela ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, može se podnijeti prigovor na konačno imenovanje odgovornom javnom službeniku, a kopija se dostavlja Ombudsmenu za ljudska prava Bosne i Hercegovine.